

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst (Službene novine Zeničko-dobojskog kantona", broj 7/10), Vlada Zeničko-dobojskog kantona na prijedlog Odjeljenja za informatičku podršku Stručne službe Vlade, na 143. sjednici, održanoj 31.12.2013. godine, d o n o s i

## **ZAKLJUČAK**

### **I.**

Usvaja se Analiza stanja računarske opreme, softvera i posjedovanja licenci za operativni sistem u organima uprave Zeničko-dobojskog kantona sa predloženim mjerama za poboljšanje koja čini sastavni dio ovog zaključka.

### **II.**

Obavezuju se svi kantonalni organi i službe da su u skladu sa Odlukom o upotrebi informatičke opreme i zaštite podataka, u postupcima nabavke IT opreme pismeno zatraže tehničke karakteristike od Odjeljenja za informatičku podršku Stručne službe Vlade, nezavisno od toga da li postupak javne nabavke provodi organ ili Služba za zajedničke poslove.

Na isti način je potrebno zatražiti i bilo kakvu intervenciju na opremi ili mreži, ukopčavanju ili iskopčavanju uređaja sa mreže radi urednog vođenja evidencije promjena na sistemu.

### **III.**

Zadužuje se Odjeljenje za informatičku podršku Stručne službe Vlade da u okviru implementacije centralizovanog upravljanja i antivirusne zaštite, u cilju veće sigurnosti, ali i postavljanja ispravnog poslovnog okruženja sprovedu mjere na ograničenjima kod standardnih korisnika, koje se odnose na:

- (1) download i instalacija programa izvan liste propisanih programa za standardnog korisnika određenih projektom za uspostavu domenskog načina rada;
- (2) download pojedinih sadržaja radi predostrožnosti, a propisanih projektom za uspostavu domenskog načina rada;
- (3) korištenje društvenih mreža;
- (4) obaveznost korištenja isključivo mail adrese sa domene zdk.ba za potrebe posla.

Navedeno ograničenje, osim stava (4) se ne odnosi na grupu korisnika sistema koju čine premijer, savjetnici premijera i rukovodioci organa i službi kantona.

### **IV.**

Obavezuju se svi kantonalni organi i službe da u skladu sa Odlukom o softveru u postupku odlučivanja o nabavci, nabavci, implementaciji i eksploataciji aplikativnih rješenja uključuje uposlenike

Odjeljenja za informatičku podršku, te pribave mišljenje prije utroška sredstava kako je to propisano čl. 25. stav (2) gore navedene odluke.

**V.**

Zadužuje se Odjeljenje za informatičku podršku Stručne službe Vlade da napravi plan nadogradnje ili prelaska na proizvod koji ima dostupnu podršku u cilju postizanja licenciranog okruženja operativnih sistema i ostalih korištenih softvera.

**IV.**

Zaključak stupa na snagu danom donošenja.

Broj: 02-05-27644/13.  
Datum, 31.12.2013. godine  
Zenica

**PREMIJER**

*Munib Husejnagić, dipl.ing.maš.*

DOSTAVLJENO:

1x Svi kantonalni organi i službe,  
1x Stručna služba Vlade,  
1x a/a